

江關後集

徵光樓詩

守國題



微覺樓詩自序

嗟乎高天冥漠罔非愁苦之區大海瀰漫總是別離之淚歲在庚子枯坐嚴城聞說
珍妃生拋宮井重泉寂寂望車駕以何年流水涓涓痛冤魂之不返湘鄉曾重伯太
史爲賦落葉詞十章哀感頑豔海內傳誦而當時無有和者怵文網密也越二十有
四載甲子十月迄乙丑十月一歲之間風雲迭變江潭搖落大樹飄零長年之所悲
淒朝士爲之嗚咽詩史閣主因襲前題蔚爲新製爰藉玉碎珠沈之句寫其禾油麥
秀之思作者如林哀然成集走也端憂多暇勞人善謳徒以題涉纖桃不足當主屢
拒屬和旣彌歲時塞上草衰則見獵而喜胸中壘塊則借杯以澆命意不同情詞迥
異山陰朱君文濤其知言者哉往者春城買醉香島囊雲晉文之要季隗乃至二五
垂髻之待小杜剛及十春颺非飲河驪乃入角身依竈下君居甕中樵汲胝胼嘻其
瘁矣而况厨煙不續問乞米以何方癡垢所叢儼斫桃之有斧催租興敗逐客令頒
銀漢無梁天上之佳期已斷殘年不死生人之樂趣皆窮斯其魴魚賴尾之秋而亦

白鵲開籠之日也日暮途遠風飈道阻旁皇而不忍去顛沛其何以堪右挈左提終
畏露行之苦迴車復路愁聽野哭之聲獨坐荒園憶征夫之芻秣馳驅古驛恐思婦
之哀嘯譬猶已逝之波重歸於故沼白骨之上更傳以韶顏夫雨落者不上天花落
者不上枝覆者不可以復收白者不可以再黑倘非東鱗西爪互見於兩山之雲北
轍南轅來往於三朝之內鈔先例之足據縱百喙以何辭天地之大無奇不有先王
制禮專爲我設胡其巧也抑胡其險也仁者讞獄疑則惟其輕君子用情毋寧偏於
厚毫釐之差千里之謬回頭是岸立地成佛重悔過也豈得已哉桐棺三寸旁有縞
裳啜泣之人抔土未乾遽來錦袍磬折之子世風不古彼獨何心不返躬以自問顧
責人之無已宋儒一孔之見歎齊楚之交失代馬千里之足偏胡越之相盪太行起
於面前神山終於引去此其中亦有天焉非人力所能自主者矣前緣未了敗絮仍
挂於荊榛來日大難微塵不離於弱草得過且過勿吹求之太苛子知我知宜悲歡
之迸集青裙白髮果有戒壇自懺之時枯木朽株詎無絕處逢生之望意有所會搖

筆而成輒和新城先生八律半園澹龕瓠庵悉如其數稼溪增而爲十退舟更多其
六遜厂六律綏之一首而已中間又追和翼牟四詩漢父倍之最多者鄭齋十有八
篇合之羣碧之和鄭齋者爲三十篇矣則詩史閣主編落葉集者也起丙寅中元迨
中秋而止時不過一月共得百又七律而命之曰回黃轉綠詞別有中元青詞和李
生落葉樓詩各一律情事頗同亦不擯諸集外青氈長物孰能藏之名山敝帚千金
惟當珍之秘笈書記以索觀者夥付諸手民捧心效顰祇益彰其醜同牀各夢有可
得而云綜厥大凡都爲一卷筆花零落正是江郎才盡之初夢影模糊甚類博望鑿
空之妄詞則迷離惱悅事則什九寓言橫看成嶺側看成峯見智見仁疑真疑幻婢
媛蘅芷祇爲靈均忠愛之辭馬腹泥犁弗墮阿師風狂之劫江浦陳瀏自序

[illegible]

浦雅

江關後集

微覺樓詩

江浦陳瀏

中元青詞

送汝登車手重揮
人前未免尚依依
揚州一覺醒仍醉
嶺海孤征去不歸
歲晚自憐霜滿鏡
夜涼惟有淚霑衣
花間胡蝶分明在
不見成團作陣飛

落葉樓詩和李生

高樓碧樹照金卮
恨少黃金慰別離
萬里長征歸不易
十年久駐去何遲
前生所欠無非淚
今後相思儻有詩
死比桃根先半月
再來盼到返魂時

再和新城

屬直隸

王晉卿館長

樹枏

青驄未肯駐江干
一角危樓獨倚欄
月冷素紈頻拂拭
風飄翠袖太單寒
帆檣南望

空相憶襍被西征不忍看老樹自知生意盡那堪霜雪再凋殘

蟋蟀啾啾徹夜鳴空牀易使旅魂驚傷心壁上昏鐙影入耳窗邊曉角聲鞍馬蕭關人易老風波窮海路難行前生緣業今生受料是無情勝有情

拄腹撐腸鬱怒多夜闌誰復與摩娑弗甘寂寞難居此倘再蹉跎奈老何似水年光驚尺電撩人春色戀橫波月圓百二今將滿不一回頭唱紇那

地下長眠不可呼墓門月落悵曉烏久親薌澤眉能畫再覩芳容骨已枯七十古稀遷客壽重三佳節麗人都河梁携手真堪死莫要裴裒李與蘇

再和奉節張半園太守

朝鼎

指尖依約削春蔥屢響空廊夜有風肯把鈍刀嘲斷鶴誰將長線絆驚鴻鰥魚失水終難瞑獨鳥投林未必窮愁絕牆根宵露冷秋來猶發海棠紅

瑟瑟風寒殿角螭幾多花落最高枝未應消息沈瓶井恐有冰澌潑被池拓戟無勞傾酒甕門杯曾記展茶旗蒼茫此恨成終古訴向旁人總不知

當壚卓女返成都戒酒時時盡玉壺碧海風濤翔退鵲青溪霜月弔寒蛩宵征客向
天邊去卯飲人從馬上扶十載一裘虛夙諾更誰婁曳賦山樞

往日經過趙李家河邊青草入宮斜心酸驛路絲絲柳腸斷江城樹樹花夢短正應
歌當哭愁多轉怕酒難賒人生萬事都關命莫要攢眉只歎嗟

再和崇仁黃稼溪太守

維翰

籬花零落不成秋苦憶江南有莫愁蹀躞御溝哀涸轍去來香海夢扁舟故宮柳色
青於染小院藤陰翠欲流日日望鄉徒有淚喜能一唱大刀頭

西風八月桂花時何必牆頭杏滿枝餒可膠牙誰共語酒能壯膽未宜辭浪高恐被
蛟龍得箐密須防鬼魅欺付與羅虬拚殺卻不勞死後比紅兒

嶺外歸來鬢已華枝柯不見玉交加風狂易落銀釭穗命薄羞窺阜帽紗眼見大魚
趨巨壑懸知輕燕去誰家出門一步天涯遠乾笑玄蜂賀放衙

幾時浦口墓門開表墓還應選石材蔡琰在胡猶可贖明妃去國那能回鸞巢處處

哀棲棘蟻穴時時夢入槐朔雪炎風天萬里祇今南越有高臺

誓墓王郎少宦情世間何地可逃名朱妻去就論貧富翟尉悲歡異死生海嶠花開連綺陌亭皋木落帶邊城鄉心亦似南飛雁難得隨君欸段行

再和吉林成澹園同年

多祿

一鉤殘月向人明雨後秋蟲不肯鳴窮塞難尋春草夢虛堂細數落花聲孤蹤流浪成長往衰鬢凋疏懶再生途汝遠歸江海上九千里外暮雲平

飛飛梁燕認巢痕誰覓書聲向樹根昏眼忍揮孤枕淚迴身休戀敝袍恩珍裘未見縫狐腋飽飯無非翦芥孫道是不如歸去好哀曉咽斷子規魂

著作如林苦校讎連牀風雨愧瞻由不歡能短崔駰命爛醉難銷供奉愁一著因循千古恨半生罪業十年流從今前路真空闊努力雲程莫掉頭

如許句留井不枯鸞鳳擡舉上高梧座梨酸醲誰先釘園蕙闌珊半已蕪菩薩華鬘生趣少吳娘暮雨世情孤一腔幽憤蕭條極懶畫花江惜別圖

再和畢節路瓠庵孝廉

朝鑾

海燕孤飛已入林，當窗八樹碧森森。
獨棲能促歸期近，冷笑堪令白晝陰。
半尺空囊羈客淚，一宵涼雨故人心。
生離死別無窮恨，天上人間夢藁砧。
淚珠界面兩行斜，十載恩恩閱歲華。
冢畔無心留札劍，斗邊有路上騫槎。
虎門海浪吞江浪，雞塞晨笳入暮笳。
玉樹後庭人寂寂，更闌愁對女真花。
來青高閣掩清暉，小篆繩齋筆力微。
山石寶雞仍對峙，關雲孔雀並南飛。
朝歌一去年方老，泉路同歸願竟違。
誰遣范文長不死，未應孟伯笑人肥。

頻年小劫打枯基，綰袂毋留死後悲。
紫電白虹終躍冶，秋蘭春菊互乖時。
西東各有分飛恨，燕越偏憐背道馳。
墮溷飄茵何處所，側身長望動哀思。

昏眸愁睇白雲山，疑夢疑真縹緲閒。
談虎定應驚廣座，聞雞料已出函關。
生前無計回衰鬢，別後何時啟笑顏。
一自南園鞦印淺，筍痕零落不成班。

客心孤迥小樓頭，團扇新捐枕簟秋。
漫說抽刀能斷水，有時命酒一澆愁。
長蛟不是

池中物估客難馴海上鷗同抱天涯淪落恨青衫早已溼江州

磨甑已是十年功長日銷於棧豆中豈有神龍艱破壁未妨駑馬學追風春波不似
前時綠落照還如塞外紅願汝平安回故里莫須辛苦念衰翁

飈輪西去路透迤懶對嘉州賦羨陂莽蒼園林三兔窟漂搖風雨一鷗枝祇今東道
天將墜從古南山石可移破甑未須重返願漫勞青眼向伊垂

再和漢陽周退舟評事

貞亮

青溪萍葉趁江潮風裏蓬根海外飄誰賣樂昌公主鏡恐吹吳市伍員簫鸞釵時樣
邀回顧驄繡中年夢早朝一昨梳頭窗下坐白楊依舊晚蕭蕭

訛傳鄰境潰雄兵

呈吏部詩所指爲鄰家饒舌者也見後

殃及池魚望火城小閣穿鍼剛乞巧行厨轆釜罷

聞聲牀頭金盡尋歸夢眼底填乾負舊盟未必竟巢珠樹上卻憐出谷有新鶯

門前絲柳織鶯黃無地能栽葛亮桑虛擲萬千榆莢子已非十八荔枝娘銜哀苦要
曉猿叟得過曾聞傲鳳皇九死九泉應痛絕世間難覓返魂香

恐後爭先快著鞭
珠藏臂釧翠收鈿
啟籠乍放紅鸚鵡
帶雨新開白杜鵑
霧裏昏鴉稍黯黯
霜中青女自娟娟
平生無限憂時淚
不在愁邊在酒邊
街頭痛哭笑唐衢
芳徑娃宮一以蕪
殿角催花哀臘鼓
江心調水失靈符
黃天古蕩梁紅玉
金谷荒園石綠珠
一樣才華千種福
何年返哺有慈烏

滿眼秋風倚北牆
陸家只是一荒莊
駐顏豈必嘗花露
解渴時能進蔗漿
穿冢向來

依大俠登樓終古近謨觴

西關頤苑之樓也

高年懶作繁華夢
願得逍遙隱醉鄉

不曾種玉向藍田
紫玉朝朝恐化煙
獨抱決心無幾日
陰懷去志已多年
何堪手捧

侏儒米有限腰纏姣女錢
從此姁娥音信杳惟餘碧海對青天

拗蓮搗麝總塵埃
待向隄南買棹來
奔月不攜燒藥鼎
下堂即上避風臺
羈棲胡地

蘇卿老蕭瑟江關庾信哀
自拔污泥仍墮落相思寸寸化飛灰

弓髯難向鼎湖攀
箭號忘歸去不還
三海曾爲行樂地
二樵都是望夫山
哀鴻可許

逃增繳奔馬終難返
籞閑再向般含樓下過
玉簫零落翠微間

大千世界只微塵影事模糊跡易陳孤客七年依輦下早時半月住春申一秋汗漫
香江路兩載伶俚絕塞人窮老投荒無可戀罡風催爾上征輪

小園地錦恣清游南入連灣頓夕輶未必重逢橫水驛真能驚醒醉鄉侯淒涼前夜
離江縣約略來朝到廣州粗糲水漿俱可活窮邊何苦作羈囚

宮車遠出暮鴉知忍賦黃齏絕妙詞好水好山迎笑臉秋風秋雨助悲思釜中其豆
相煎日厨裏炊煙欲斷時不用怪渠征轡急由來越鳥戀南枝

難得孤星伴少微故人不肯寄當歸浮雲難綰雙鳬住冷月還隨獨雁飛唐女拋家
爭挽髻天孫薄倖客支機青山埋骨知何日聽唱驪歌淚滿衣

師雄夢醒已更深不見枝頭有翠禽中谷何人方啜泣南岡無地不傷心今宵相失
臨歧路幾載同棲在上林咄咄書空非怪事只愁青鳥信沈沈

浴罷黃昏進荔盤當時久不夢金鑾羅衫枉自描丹鳳繡帶無從繫紫鸞桃葉愁歌
前渡櫂竹皮仍戴舊時冠山中已過三千日珍重鷗盟未肯寒

駒光似水送年華，油壁重尋巷口車。
善哭阮生空有淚，懷歸齊客本無家。
情長難覓相思果，性急真如指甲花。
嗚咽簫聲前世事，不堪憑弔玉勾斜。

再和常熟孫鄭齋吏部

雄

公然慷慨拂衣行，身後虛名未足榮。
嚮晚驅車懷往事，凌寒伏枕作哀鳴。
關河跋涉輕千驛，歲月銷磨誤半生。
知否有人彈老淚，殘更擁被守孤檠。

還鄉依舊少根株，記得初來有婢扶。
今後空廚飛野馬，當時華褥繡天吳。
愁聽樂府悲秋曲，怕展高樓問字圖。
回首牡丹花滿眼，縞衣夜夜泣城烏。

蔡八娘三府塞天
見後

忍飢無路覓生涯，黑塞青林叫鬼車。
莫笑敝貂蘇季子，恐逢凶鵬賈長沙。
食貧曾未稍揮霍，作苦仍能不怨嗟。
只是吼聲驚落杖，輕煙多事入侯家。

鎮日添柴近竈門，齏鹽井臼淚潛吞。
鵲橋七夕剛聯句，鴛冢清明總斷魂。
惟以著書消伏臘，何嘗抱甕問晨昏。
倘先朝露填溝壑，犬馬無勞戀主恩。

翠被孤單祇自憐，何因久不赴重泉。
相如裘典家徒壁，元亮炊停節禁煙。
耳底山膏

時謾罵囊中昌谷富詩篇高車駟馬全無分忍死相從直惘然

河間蕩婦怯空牀要學山精白日藏滿擬飛揚登要路無因飄泊在蠻鄉井邊汲水勤朝爨鏡裏勻脂罷晚妝死後有誰能愛惜青絲多恐變秋霜

孤鶩飛飛帶落霞伊人秋水望蒹葭任縈愁緒門前柳難緩歸期陌上花爲祝船頭波似鏡可堪牀脚雨如麻徐娘半老風情在苦憶雛年未破瓜

年年憔悴戀王城厚地高天棘雜荊及蚤回頭應有望莫教終老永無成茫茫身世終爲鬼莽莽關山未罷兵一曲琵琶人去也何時濁酒與同傾

翺風房老牕空帷萬里珠江信到遲高閣已聞開處仲香山真見遣楊枝十年舊約粗能踐三府寒天有所思正是孟蘭盆會夜瘴江收骨諷韓詩

捷徑終南壁礮椒馬江使者慣彈蕉入門叱咤僮夫橫上殿迴翔貴主驕洞口胡麻難再瞰街頭婆餅可能焦龍涎流入周廷後禍甚咸陽一炬燒

國破家亡涕不乾滔天孰與挽狂瀾游龍早已歸切利凍雀惟能死紇干雨碎鄉心

何太苦花銷英氣故應難當時古井波生處臘盡春回熨曉寒

東隄游徧下西隄獨客零丁最慘淒丹荔黃蕉誰與剝練裙蒲扇總能題夢中香海
千山曉眼底菰村萬瓦低垂死未諳耕鑿事料難飯藿又羹藜

十載經春復歷冬到今清夜始聞鐘失羣不復憐孤雁誦呪應難鎖毒龍未必葛藤
真礙脚那能芥蒂不橫胸癡心欲問山頭石遞到鸞牋第幾封

使君何日返柴桑嗜酒分明一渴羌指樹偶然呼苦李生稊從未筮枯楊挂裙有日
驚車武焚券當時比孟嘗塵尾幘車膺九錫而今行色不蒼黃

珠江香島屢從游京國棲遲又幾秋難得同看雞塞月未曾一泛網濱舟孤飄甚似
風中絮幻化翻同浪裏漚我自負人人負我休憑寶劍說恩讎

驛路更籌次第傳馬蹏聲裏草芊緜昔聞朝策臨風贈今類融舟上岸牽業鏡孽冤
都可懺寒鐙淚眼不成眠多應傳熨悲身世不覺淋浪滿枕邊

光祿巡鹽各一時李因終恐墮窮嫠刺多豈免憎玫瑰心死寧能拔菴葹好挂風幡